

梅溪王先生文集

二

新刊
梅溪先生文集

PDG

梅溪先生後集卷第二十一

表狀笏記疏文附

饒州到任謝表

時遇主協五百世之昌期共理分符切二千石之重
寄試之民事簡在帝心中謝伏念臣奮身諸生隸業太
孳上皇親策擢居多士之先陛下誤知眷出群臣之
右方御天之十日昇近地之一麾旋蒙召還屢辱賜對
規證之蘊幾展盡賈誼之言畧施行曾未閱於三時已
徧更於數載遽從憲府擢貳天官人言遭際之非常臣
惧寵榮之過分力絳成命果獲俞音榮聯書殿之名假
守便蕃之郡身獲全於進退恩不替於初終况此楚東

之故邦實為江左之興壤顏真卿英風如在范仲淹遺
愛猶存仁實何人可預茲選茲蓋伏遇 皇帝陛下法
舜受禪体堯宅天廣收衆正而首及滯淹樂聽讜言而
不罪狂直遴選朝廷之士疇咨岳牧之臣雖地分內外
之殊而心蔑輕重之異知臣本出乎白屋謂臣可牧夫
細民札命十行憂分千里臣敢不仰奉德意力宣教條
雖才非太公不能五月報政然忠猶杜甫未嘗一飾忘
君

夔州到任謝表

地易夔門難敢辭於蜀道心傾堯日遠尤甚於長安祇
拜訓詞惟深感涕中謝臣頃由御史出守番易任甫及

於期年報蔑聞於五月慕言言之烈於顏魯國享慶之
之治於范仲淹擾切戒於庸人第務近民之易罪或得
於巨室方知為政之難比因有疾而丐祠不謂誤息而
分閫况魚復素稱岩邑在坤維實為要衝苟非文武之
長才曷副蕃宣之重寄豈臣庸繆可稱使令茲蓋伏遇
皇帝陛下德方日新仁若天覆憫鳥道烏蠻之險有刀
耕火種之勞非善治不可以懷柔謂微臣或勤於撫字
錄其寸效畀以雄藩臣敢不究疾苦於閭閻布教條於
州郡觀武侯八陣居安未免於憂邊誦杜甫百篇有志
不忘於愛主

除敷文閣待制謝表

官自外廷既濫中權之寄恩由上出復叨次對之除抗
章弗俞拜命增惕中謝竊念臣才惟博學業本壘壘偶
逢神聖之作興妄意風雲之際會立螭簪筆方近清光
冠豸乘驄遽違丹闕俯悵忠懷之莫尽仰知天眷之未
衰繇列部而擢居帥垣自集英而超躋華閣易任誤蒙
於增秩撫躬深愧於罔功清議靡容牢辭不獲茲蓋伏
遇 皇帝陛下至仁接下大度包荒謂臣如汲長孺之
愚言多妄發知臣有蘇世長之短心不敢邪榮畀重藩
許連從橐臣敢不益堅素守誓竭孤忠共理分符何以
副西清之選拾遺補過可能無北闕之書

湖州到任謝表

遠障承流之循良之善政近藩改命仰覆載之隆祗祗
服訓詞彌增感涕伏念臣五年去國兩地分符饒俗浩
穰有難調之巨室夔疆瘠鹵介絕險之烏蠻但思治已
以先人豈忍奪民而生事故田里安其不擾而獄訟由
之稍稀敢曰懷歸實緣多病輒控祠庭之請屢干旒宸
之嚴既寬斧鉞之重誅復畀股肱之佳郡瞻清光於便
殿展素蘊之忠言謂能卹民蒙天語之見獎徒以自
近佩聖恩其敢忘豈期衰遲有此遭際茲蓋伏遇皇
帝陛下至仁兼被大智難名隣臣守志弗欺共理猶知
於惠養憫臣奉躬匪懈事君或盡於勤勞故此異除華
於朽質臣敢不持循憲度効法京師詠靈沼於真鄉深

体好生之德恢儒宮於安定益陶善教之風

泉州到任謝表

五年三郡蔑酬天覆之恩一扎十行又拜春溫之詔方
奉祠而竊祿遽共理以分符騰騰不忘孤忠益勵中謝
竊念臣少不孝古晚方入官論事則意廣而才疎為郡
則心勞而政拙惟民是卹雖誤蒙金口之褒其毀乃求
終莫奪簣言之巧松菊方尋於三徑江湖復把於一麾
非神聖素察其衷豈臣下可得而薦辭避不獲顛躋是
憂况閩為負山帶海遐僻之鄉而泉乃富商大賈往來
之會詎容庸繆可備使令茲蓋伏遇 皇帝陛下堯仁
宅天舜智察物知臣無剝下益上之罪恕臣有抑強扶

弱之偏悟即墨之浮言畀清源之善地臣敢不清白奉
已循良牧民富而可求第守不貪之實老之將至尚懷
有犯之忠

除敷文閣直學士謝表

任南國守臣之寄治効蔑聞綴西清學士之班聖恩誤
及牢辭弗獲下拜有慙中謝竊念臣李衡空疎性資愚
蠢蚤躬耕養妄懷干祿之心晚竊科名普竭事君之節
許身自比於稷契得時况過於唐虞上皇親擢之
於布帛陛下又置之於臺省徒屢膺於任使竟莫報
於涓埃去國八年分符四郡竟年齡之云暮致疾病之
交攻藥百試而莫痊祠三乞而不允心勞政拙僅同下

考之陽城金賜秩增有愧能名之黃霸端分宜黜蒙恩
若薦茲蓋伏遇 皇帝陛下仁覆遐邇賞從忠厚與人
不求其備嘉善而矜不能謂臣雖不達於時宜知臣或
稍諳於民事寃昇侯藩之重超陞庭閣之榮臣敢不仰
務分憂俯當 恩庅拾遺補過雖良臣之願莫訥宣化承
流庶循吏之風可繼

除太子詹事賜衣帶謝表

歸依故里首叨宮尹之除超對便朝猥被身章之錫省
循何幸俯僂難勝伏念臣有不移之忠無適用之器襲
布常而自薦綉輦悅以奚為分三服之珍方曳裾而自
媿拜九環之重竟委佩之有光夫何衰病之軀仰冒便

蕃之宥茲蓋伏遇 皇帝陛下教子以義方之訓好賢如緇衣之詩借以光華欲其贊翼惟少成若往但知歛衽之恭而非礼勿言敢後書紳之戒誓殫綿力少荅殊私

慰皇后上仙表

坤元資万物之生贊成乾道慈母棄敷天之養痛摧子心仙馭益遐宸裏尤切恭以 大行安恭皇后樛木逮下葛覃儉躬嬪外邸以稱賢位中宮而配聖數豈有定年胡不長恭惟 皇帝陛下道盡人倫治贊陰教諒聖情之攸繫眷懿範以難忘功配九人迹可稽於彤管神游八極燕永阻於瑤池然而上奉兩宮下臨九有願上

寬於悲悼廢無爽於和寧

賀皇太子戡

廷揚大號位正前星肆赦以重承祧臨軒而脩典禮
廷宗社歡洽華夷恭惟皇太子殿下挺岐嶷之姿蘊
寬大之德佩禮樂詩書之丕訓明君臣父子之大綱孝
友行乎宮中仁智聞乎天下睿主義方而能教法不抗
於伯禽嗣君嫡長而又賢護矣煩於四皓某官守已微
神馳帝鄉仰日月山海之攸重喜七鬯粢盛之有守愚
衷敢獻願日近於正人聖李益修當愈明於上性

慰皇太子表

人心所繫方聞出震之音天道難知遽隕前星之耀計

聞率土痛切輿情恭以 皇太子殿下挺岐嶷之姿秉
溫恭之德喜愠不形於色其心有容仁誼以飭其躬有
儀可象護不煩於四皓斷自出於一人福善難憑降年
何促恭惟 皇帝陛下愛鍾子聖仁薦父慈澤雖沛於
金雞藥不灵於扁鵲諒旰食宵衣之際與問安視膳之
思然修短皆繫乎天雖聖賢莫逃於數昭明有季宜為
梁室之儲子晉已仙願釋周王之念

辭起居舍人狀

竊以起居之職言動是司君無事而不書事有聞而必
奏於清光為最近直筆而尤難非得名儒曷稱妙選
臣李術淺陋性資狂愚 上皇策之於布衣誤被親擢

陛下識之於潛邸首膺召除方居列宿之聯輒貳司成之教紬書史館進說經筵皆李者之至榮豈臣愚之敢望蔑有寸效遽叨峻迁必致可畏之言以速不才之咎仰祈眷眷追寢異恩俱愚分之獲安庶輿論之惟允所有恩命未敢祇受謹錄奏聞伏候 勅旨

薛克兼侍講

臣伏准 勅旨除臣兼侍講者臣聞命驚震罔知所措竊以歲輒屢迁者古人之所深戒身兼數職者通才猶不克堪臣近被召還濫官執秩與史館編摩之選叨露門講說之聯每拜命而若驚嘗力辭而不獲辰未再浹而遽貳左李翔純五易而躡陞右螭俱弗稱於一官可

更兼於兩賊况請讀方執經而入侍而記注常執筆而
在旁各有攸司若何可攝將物議之不免謂聖恩之或
私敢望睿慈追寢成命遴選碩季講聖人所親作之經
庶俾愚臣專天子不自觀之史

辭免侍御史狀上

辭免第二狀上

辭免權吏部侍郎狀

臣今月十二日伏准省劄奉 聖旨除臣權吏部侍郎
日下供職者臣緣今早上殿自劾不合力贊 陛下恢
復及委任張浚事乞罷臣侍御史之職仍賜竄謫今來
得旨除臣上件職是求罪而得迁何以塞群議臣不敢

供職所是省劄已繳納尚書省臣今居家待罪欲乞審
斷降出臣自効之章使中外曉然咸知臣罪速正典刑
以為臣子之戒

辭免第二狀上

辭免除集英殿修撰狀上

饒州乞祠狀上

辭免知夔州狀上

梅溪先生後集卷第二十二

啓

及第謝宰相

地借玉階恭上萬言之對名登虎榜濫居千佛之先揣
分踰涯撫躬知愧竊以奏言試功者堯舜遺意臨軒取
士者祖宗令規一新熙寧之科備見神廟之志謂三題
不足發子大夫平日之蘊蓄而群策可以陳我國家時
政之闕遺著為永彞以幸多士夫何首當時之選者無
切直之論遂使擬進士之對者有阿諛之譏既波蕩以
相承致源流之寢失近代尤甚澆風益熾大臣多忌而
動有嫌疑孝者懷憤而莫伸梗槩物極必變道開始公

申嚴密之禁而務在令行防壅蔽之害而悉閑聖覽求
忠諫則丁寧有詔第高下則寔褒有辭既當靖明不諱
之朝宜得瑰偉非凡之士如某草茅賤子庠序甄生由
行藝以進升厠英髦而旅試俯慚俗李策無可取之二
三忝忝天威事去欲陳之五六念交淺言深猶或不可
非主聖臣賢其能有容龍匪怒其嬰鱗龜偶居於前列
上自親擢受知不減於孫洪言畧施行悟意有踰於賈
誼靜惟僥冒抑有黃緣茲蓋伏遇僕射相公以道事君
無私應物蚤羽儀於法從茂著忠嘉今掌握於化鈞函
圖康濟坡露封章之請益開宸聽之聰獎勵進言得裴
宏中之大体深銜譏政戒李吉甫之褊心蓋將植太平